

ՄԱՐԶԻ ՎԵՐԻՆ ԳԵՏԱՇԵՆ ՀԱՄԱՅՆՔԻ ԱՎԱԳԱՆՈՒ ԵՎ ՀԱՄԱՅՆՔԻ
ՂԵԿԱՎԱՐԻ ԳՈՐԾՈՒՆԵՈՒԹՅԱՆ ՎԱՐՉԱԿԱՆ ԵՎ ՖԻՆԱՆՍԱԿԱՆ
ՀՍԿՈՂՈՒԹՅԱՆ ԱՐԴՅՈՒՆՔՆԵՐԻ ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 77¹, 77², և 77³ հոդվածների և Հայաստանի Հանրապետության Նախագահի 1997թ. մայիսի 6-ի ՆՀ-728 հրամանագրի 1.6 կետի դրույթներով

որոշում եմ՝

1. Առաջարկել մարզի Վերին Գետաշեն համայնքի ղեկավարին՝
 - 1) ղեկավարվելով «Տեղական ինքնակառավարման մասին» Հայաստանի Հանրապետության օրենքի 11-րդ հոդվածի 3-րդ մասի դրույթներով պահպանել ավագանու նիստերի գումարման, ոչ ուշ քան 2 ամիս մեկ անգամ, պարբերականությունը.
 - 2) որոշումներով կամ կարգադրություններով հաստատվող հաստիքացուցակներում պահպանել համայնքային ծառայողների պաշտոնների անվանումները՝ համաձայն Հայաստանի Հանրապետության տարածքային կառավարման նախարարի կողմից հաստատված անվանացանկի.
 - 3) տեղական ինքնակառավարման մարմինների կողմից ընդունվող իրավական ակտի նախաբանում կամ բովանդակության մեջ նշել, որ նորմատիվ իրավական ակտի, դրա մասի համաձայն կամ ի կատարումն է ընդունվում տվյալ ակտը՝ հիմք ընդունելով «Իրավական ակտերի մասին» Հայաստանի Հանրապետության օրենքի 37-րդ հոդվածի 2-րդ մասի դրույթները.
 - 4) ղեկավարվելով «Իրավական ակտերի մասին» Հայաստանի Հանրապետության օրենքի 41-րդ հոդվածի 5-րդ և 6-րդ մասերի դրույթներով պահպանել իրավական տեխնիկայի կանոնները.
 - 5) իրավական ակտերի փոփոխությունները կամ լրացումները իրականացնել «Իրավական ակտերի մասին» Հայաստանի Հանրապետության օրենքի 70-րդ հոդվածի դրույթներով.
 - 6) տեղական ինքնակառավարման մարմինների կողմից ընդունվող նորմատիվ իրավական ակտերը ենթակա են պարտադիր պետական գրանցման «Իրավական ակտերի մասին» Հայաստանի Հանրապետության օրենքի 34-րդ հոդվածի պահանջներին համապատասխան.
 - 7) ղեկավարվելով «Իրավական ակտերի մասին» Հայաստանի Հանրապետության օրենքի 75-րդ հոդվածի դրույթներով չեղյալ համարել համայնքի ղեկավարի 2009թ. մարտի 25-ի N 6 և 2009թ. հունիսի 4-ի N 18 որոշումները.
 - 8) աշխատակազմի գլխավոր մասնագետի թափուր պաշտոնը համալրել մրցութային եղանակով կամ էլ համայնքի ավագանու նիստում քննության առնել այդ պաշտոնի համայնքային ծառայության պաշտոնների անվանացանկում թողնելու նպատակահարմարության հարցը.
 - 9) ղեկավարվելով Հայաստանի Հանրապետության «Տեղական ինքնակառավարման մասին» օրենքի 16-րդ հոդվածի 17-րդ մասի և 40-րդ հոդվածի 1-ին մասի պահանջներով մշակել, հաստատել և պետական գրանցում

ստանալուց հետո գործողության մեջ դնել առևտրի, հասարակական սննդի և սպասարկումների ոլորտի գործունեության համայնքային կանոնները.

- 10) ղեկավարվելով <<Տեղական ինքնակառավարման մասին>> Հայաստանի Հանրապետության օրենքի 30-րդ հոդվածի 6-րդ մասի պահանջներով հաստատել և գործողության մեջ դնել համայնքի ավագանու և համայնքի ղեկավարի կողմից քաղաքացիների ընդունելության կարգը /սահմանելով ընդունելությունների ժամկետները/.
- 11) հաշվապահական հաշվառումը իրականացնել <<Հաշվապահական հաշվառման մասին>> Հայաստանի Հանրապետության օրենքի պահանջներին համապատասխան.
- 12) վարել համայնքային ծառայողների անձնական գործերի գրանցամատյան.
- 13) սույն որոշմամբ ներկայացված առաջարկությունները քննարկել համայնքի ավագանու նիստում և ձեռնարկված միջոցների ու կատարված աշխատանքների մասին գրավոր տեղեկացնել մարզպետին մինչև ս/թ հուլիսի 25-ը:
2. Որոշման կատարման հսկողությունը վերապահել մարզպետարանի աշխատակազմի տեղական ինքնակառավարման և հանրապետական գործադիր մարմինների հարցերով վարչությանը:
3. Սույն որոշումն ուժի մեջ է ստորագրման պահից:

ՄԱՐԶՊԵՏ՝

Ն. ՊՈՂՈՍՅԱՆ